

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Diurnale chori Sive Horae diurnae Breviarii Romani**

**[S.l.], 1745**

Ad Sextam

[urn:nbn:de:bsz:31-139978](https://nbn-resolving.org/urn:nbn:de:bsz:31-139978)

## AD SEXTAM.

Capitulum. *In Feriis. Rom. 6. b.*

**C**hristus resurgens ex mortuis jam non moritur ;  
mors illi ultrà non dominabitur. Quòd enim  
mortuus est peccato, mortuus est semel, quod au-  
tem vivit, vivit Deo. *R.* Deo gratias.

*R.* Surrexit Dominus de sepulchro, \* Alleluia,  
alleluia. *R.* Surrexit.

*V.* Qui pro nobis pepéndit in ligno, alleluia, &c.

*V.* Gloria Patri. &c. *R.* Surrexit.

*V.* Surrexit Dominus verè, alleluia.

*R.* Et apparuit Simoni, alleluia.

*Oratio conveniens.*

## AD SEXTAM.

Pater noster. Ave Maria.

Deus in adjutorium. *ut supra.*

## HYMNUS.

*Sub Melodia convenienti.*

**R**ector potens, verax Deus,  
Qui temperas rerum vices,  
Splendore manè illuminas,  
Et ignibus meridiem.

\*

**E**xtingue flammam litium,  
Aufer calorem noxium,  
Confer salutem corporum,  
Veramque pacem cordium.

\*

**P**raesta Pater piissime,  
Patrique compar unice,

Cum



Cum Spiritu Paraclito,  
Regnans per omne sæculum. Amen.

*In Domin.*  
*per Annum.*  
*Antiphon.*

Al le lu ia. 8.

*In Dominicis Advent. & à septuag. usque ad  
Pasch. Antiph. ex propr. de Temp.*

*In Dom. &  
Fer. Temp.  
Pasch.*  
*Antiphon.*

Al le lu ia. 8.

*In Feriis  
per Annum*  
*Antiphon.*

Ad ju vame. 8.

*Tempore Adventus Antiphona de Laud. Domini-  
ca precedit, vel ex propr. Laudibus.*

*In Feriis  
Quadrage-  
simæ.*  
*Antiphon.*

Commen de mus nos met i plos.

*In Feriis*  
*Temp. pass.*  
*Antiphon.*

Po pu le me us. 4.

*Psalm.*



**D**Efécit in salutâre tuum ânima mea: \* & in verbum tuum supersperâvi.

Defecerunt óculi mei in elóquium tuum, \* dicentes: quando consolâberis me?

Quia factus sum sicut uter in pruina: \* justificatiónes tuas non sum oblítus.

Quot sunt dies servi tui: \* quando fácies de persequentibus me iudicium?

Narravérunt mihi iníqui fabulatiónes: \* sed non ut lex tua.

Omnia mandâta tua véritas: \* iníquè persecúti sunt me, ádiuva me.

Paulò minùs consummavérunt me in terra: \* ego autem non dereliqui mandâta tua.

Secúndum misericórdiam tuam vivífica me: \* & custódiâ testimonía oris tui.

In atérnum Domine, \* verbum tuum pérmanet in cœlo.

In generatióem & generatióem véritas tua: \* fundásti terram, & pérmanet.

Ordinatióne tua perseverat dies: \* quóniam ómnia sérvíunt tibi.

Nisi quòd lex tua meditatio mea est: \* tunc fortè periissem in humilitate mea.

In atérnum non oblivíscar justificatiónes tuas: \* quia in ipsis vivificásti me.

Tuus sum ego, salvum me fac: \* quóniam justificatiónes tuas exquisivi.

Me expectavérunt peccatóres ut pérderent me: \* testimonia tua intelléxi.

Om-



Omnis consummationis vidi finem: \* latum mandatum tuum nimis.

Quomodo dilexi legem tuam Domine: \* tota die meditatio mea est.

Super inimicos meos prudentem me fecisti mandato tuo: \* quia in aeternum mihi est.

Super omnes docentes me intellexi: \* quia testimonia tua meditatio mea est.

Super senes intellexi: \* quia mandata tua quaesivi. Ab omni via mala prohibui pedes meos: \* ut custodiam verba tua.

A Judiciis tuis non declinavi: \* quia tu legem posuisti mihi.

Quam dulcia faucibus meis eloquia tua: \* super mel ori meo!

A mandatis tuis intellexi: \* propterea odivi omnem viam iniquitatis.

Lucerna pedibus meis verbum tuum: \* & lumen semitis meis.

Juravi, & statui \* custodire judicia justitiae tuae.

Humiliatus sum usquequaque Domine: \* vivifica me secundum verbum tuum.

Voluntaria oris mei beneplacita fac Domine: \* & judicia tua doce me.

Anima mea in manibus meis semper: \* & legem tuam non sum oblitus.

Posuerunt peccatores laqueum mihi: \* & de mandatis tuis non erravi.

Haereditate acquisivi testimonia tua in aeternum: \* quia exultatio cordis mei sunt.

Incli-



Inclinavi cor meum ad faciendas justificationes tuas  
in æternum, \* propter retributionem.

**I**niquos odio habui: \* & legem tuam dilexi.

Adjutor & susceptor meus es tu: \* & in verbum  
tuum supersperavi.

Declinate à me maligni: \* & scrutabor mandata  
Dei mei.

Suscipe me secundum eloquium tuum, & vivam:  
\* & non confundas me ab expectatione mea.

Adjuva me, & salvus ero: \* & meditabor in justi-  
ficationibus tuis semper.

Sprevisti omnes discedentes à judiciis tuis: \* quia  
injusta cogitatio eorum.

Prævaricantes reputavi omnes peccatores terræ:  
\* ideò dilexi testimonia tua.

Confige timore tuo carnes meas: \* à judiciis enim  
tuis timui.

Feci iudicium & justitiam: \* non tradas me calum-  
niantibus me.

Suscipe servum tuum in bonum: \* non calumnien-  
tur me superbi.

Oculi mei defecerunt in salutare tuum: \* & in elo-  
quium justitiæ tuæ.

Fac cum servo tuo secundum misericordiam tuam:  
\* & justificationes tuas doce me.

Servus tuus sum ego: \* da mihi intellectum, ut  
sciam testimonia tua.

Tempus faciendi Domine: \* dissipaverunt legem  
tuam.

Ideò dilexi mandata tua, \* super aurum & topazion.

Propte-



Propterea ad omnia mandata tua dirigebat: \* omnem viam iniquam odio habui.

*In Dominicis per Annum Antiphona.*



Al le lu ia, al le lu ia al le lu ia.

*In Adv. & à Septuag. usq. ad Pasch. ex propr. de temp.*

Capitulum. Galat. 6.

**A**lter alterius onera portate, & sic adimplébitis legem Christi. *R.* Deo grat.

*R.* In æternum Domine \* permanet verbum tuum.

*R.* In æternum.

*V.* In sæculum sæculi veritas tua.

*R.* Permanet. &c. Gloria Patri.

*V.* Dominus regit me, & nihil mihi déerit.

*R.* In loco pascuæ ibi me collocavit.

*In Feriali Offic. per Annum Antiphona.*



Ad ju va me, & sal vus e ro Domine.

Capitulum. Alter Alterius. *ut in Domin.*

*R.* Benedicam Dominum, \* in omni tempore.

*R.* Benedicam. &c.

*V.* Semper laus ejus in ore meo. *R.* In omni.

Gloria Patri. Benedicam.

*V.* Dominus regit me, & nihil mihi déerit.

*R.* In loco pascuæ ibi me collocavit.

Quan-



*Quando ad Matutinum dicta sunt preces, flexis genibus dicitur.* Kyrie eleison, Christe eleison, Kyrie eleison.

Pater noster. *secretò.*

℣. Et ne nos inducas in tentationem.

℞. Sed libera nos à malo.

℣. Domine Deus virtutum converte nos.

℞. Et ostende faciem tuam, & salvi erimus.

℣. Exúrge Christe adjuva nos.

℞. Et libera nos propter nomen tuum.

℣. Domine exaudi orationem meam.

℞. Et clamor meus ad te veniat.

℣. Dominus vobiscum.

℞. Et cum Spiritu tuo.

*Oratio conveniens.*

*Tempore Adventus in Feriali Officio Antiphona de laudibus Dominica, aut ex propriis Laudibus.*

Capitulum. *Jerem. 23.*

**I**N dièbus illis salvabitur Juda, & Israel habitabit confidenter: & hoc est nomen, quod vocabunt eum, Dominus justus noster. ℞. Deo gratias.

℞. Ostende nobis Domine \* misericordiam tuam.

℞. Ostende nobis.

℣. Et salutàre tuum da nobis. *Misericordiam.*

*Gloria Patri. Ostende. &c.*

℣. Memento nostri Domine in beneplacito populi tui.


℞. Visita nos in salutari tuo. *Kyrie eleison.*

*Oratio conveniens.*


*Tempore Quadrage. in Feriali Officio.*

Com-




*Antiphon.*


Commen de mus nos met ip fos



in multa pa ti en ti a, in je ju niis



mul tis per ar ma Ju sti ti æ.

Capitulum. *Isa. 55. b.*

**D**Erelinquat impius viam suam, & vir iniquus cogitationes suas, & revertatur ad Dominum, & miseretur ejus, & ad Deum nostrum, quoniam multus est ad ignoscendum. *R.* Deo gratias.

*R.* Scapulis suis \* obumbrabit tibi.

Scapulis suis &c.

*V.* Et sub pennis ejus sperabis.

Obumbrabit tibi.

Gloria Patri. Scapulis suis.

*V.* Scuto circumdabit te veritas ejus.

*R.* Non timebis à timore nocturno.

Kyrie eleison. *Oratio conveniens.*

*Tempore Passion. in Feriali Officio.*

*Antiphon.*

Po pu le me us, quid fe ci ti bi?


D

ant



AD SEXTAM.

50



aut quid molestus fu i re sponde mi hi.

Capitulum. *Jerem. 17. ca.*

**C**onfundantur, qui me persequuntur, & non confundar ego: paveant illi, & non paveam ego: induc super eos diem afflictionis, & duplici contritione conterere eos Domine Deus noster. *R.* Deo gratias.

*R.* De ore leonis, \* libera me Domine.

*V.* Et a cornibus unicornium humilitatem meam libera me.

*V.* Ne perdas cum impiis Deus animam meam.


*R.* Et cum viris sanguinum vitam meam.

Kyrie eleison. *Oratio conveniens.*

*Tempore Paschali in Domin. & Fer. Officio, Antiph.*



Alleluia, alleluia, alleluia,



alleluia.

Capitulum. *1. Cor. 15. c.*

**C**hristus resurrexit a mortuis, primitiae dormientium: quoniam quidem per hominem mors, & per hominem resurrectio mortuorum. Et sicut in Adam omnes moriuntur, ita, & in Christo omnes vivificabuntur. *R.* Deo gratias. *R.* Sur-



AD NONAM.

51

R. Surrexit Dóminus verè, \* Allelúia, allelúia.  
Surrexit.

V. Et apparuit Simóni. Allelúia, allelúia.  
Glória Patri. Surrexit.

V. Gavisi sunt Discípuli, Allelúia.

R. Viso Dómino, Alleluia.

*Oratio conveniens.*

AD NONAM.

Pater noster. Ave Maria.

Deus in adiutorium. *ut supra.*

HYMNUS.

*Sub Melodia convenienti.*

**R**erum Deus tenax vigor,  
Immòtus in te pèrmanens,  
Lucis diùrnæ témpora  
Succéssibus detèrminans;

\*

**L**argire lumen vèspere,  
Quo vita nusquam décidat,  
Sed præmium mortis sacræ  
Perénnis instet glória.

\*

**P**ræsta Pater piissime,  
Patrique compar Unice,  
Cum Spiritu Paráclito  
Regnans per omne sæculum. Amen.